

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 474952 24 St
Tuzla, 18.11.2025. godine

Općinski sud u Tuzli, sudija Antonela Đaković kao stečajni sudija u stečajnom postupku nad imovinom dužnika „BON AMADEA“d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, nakon provedenog prethodnog stečajnog postupka, dana 18.11.2025.godine donio je:

R J E Š E N J E

OTVARA SE stečajni postupak nad imovinom dužnika „BON AMADEA“d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, MBS: 1-13459, JIB:4209724750002, račun broj: 1544002000451286 otvoren Intesa SanPaolo banke d.d. BiH.

Za stečajnog upravnika imenuje Damir Aščerić iz Tuzle, ul. Miroslava Krleže br. 17.

ZAKLJUČUJE SE stečajni postupak nad imovinom dužnika „BON AMADEA“d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 474952 24 St od 12.08.2025.godine, pokrenut je prethodni postupak radi utvrđivanja uslova za otvaranje stečajnog postupka nad imovinom „BON AMADEA“d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, a za privremenog stečajnog upravnika imenovana je Damir Aščerić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravitelj dostavio je izvještaj o provedenom prethodnom postupku ovom sudu dana 08.09.2025.godine. Stečajni upravitelj je utvrdio da je osnivač i direktor društva Almir Bešić. Iz izvještaja privremenog stečajnog upravnika proizilazi da je Društvo osnovano 2005. godine, a djelatnost je bila proizvodnja hljeba, svježeg peciva i kolača, te da je Društvo prestalo sa radom Rješenjem Općinskog suda u Tuzli broj: 032-0-Reg-12-001837 od 13.11.2012. godine. Stečajni dužnik nema imovine niti zaposlenika. Društvo ne posluje jer su mu svi računi otvoreni kod poslovnih banaka blokirani. Obaveze stečajnog dužnika odnose se na neplaćene javne prihode prema Poreznoj upravi FBiH u iznosu od 19.366,90 KM, dok nema dospjelih a neizmirenih obaveza prema UIO, a da se tačan iznos obaveza može utvrditi samo prijavama potraživanja povjerilaca. Stečajni upravitelj je mišljenja da su ispunjene pretpostavke za otvaranje stečajnog postupka nad imovinom dužnika društva „BON AMADEA“d.o.o. za ugostiteljstvo, transport, trgovinu i usluge, Tuzla, ul. Peje Markovića br.12,

Tuzla, a isti je utvrdio da stečajni dužnik nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti jer je ista nastupila u toku 2009. godine od kada su računi dužnika blokirani neprekidno.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 01.10.2025.godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.500,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 79/25 dana 15.10.2025.godine, oglasnoj tabli suda dana 02.10.2025.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.